



*Irakurzaletasuna herritarren artean zabaltzeko aurtengo kanpaina aurkeztu dute udal ordezkariak*

*Haurrak, gazteak, helduak, familiak eta hezitzaileak kontuan hartuz, ipuin kontaketak, irakurle taldeak, hitzaldiak, liburu aurkezpenak eta solasaldiak biltzen dituen egitaraua ondu dute*

Udal bibliotekaren eskutik, Beasaingo Udalak herritarren artean irakurzaletasuna sustatzeko kanpainak [pdf egitarau \(525 KB\)](#) zabala antolatu du aurtengo ere. Urtez urte, sendotu eta egonkortu den kanpaina honek kultura eta irakurzaletasuna sustatzeko konpromisoari eusten dio.

Udal bibliotekan egindako aurkezpenean, Mariola Pascual kultura zinegotzia eta Herritarren arloko burua, Rebeca Piñeiro bibliotekako arduradunak eta Ane Barandiaran euskara teknikariak, kanpainaren nondik norakoak azaldu dituzte antolatu diren ekitaldien

egitarauarekin batera.

## Helburu nagusiak

“Ireki liburuak begiak irekitzeko” leloari eutsiz, Mariola Pascualek irakurketak egungo gizartearen ikuspegi zabalagoa garatzeko duen garrantzia azpimarratu nahi dela azaldu du. Udal bibliotekak bultzatuta, hainbat ekintza eta egitasmo antolatu dira helburu nagusiak ondorengoak izanik: euskal kultura sustatzea, euskaraz irakurtzeko ohitura indartzea eta bidenabar euskarazko literatura ezagutaraztea. Baita ere udal liburutegiaren dinamikak herritarren kultur beharretara egokitzea. Gai sozialak lantzea eta eskaintza anitza izatea eta ekintza eta egitasmo ezberdinak antolatzea, bai banakakoak bai taldekakoak.

## Adin guztientzako egitaraua

Osatu den egitaraua, martxoaren 7tik apirilaren 30era luzatuko da eta guztira egitaraua osatzeko 16 ekitaldi antolatu dira, denak irakurzaletasunaren inguruan. Horretarako hainbat formatu erabili dira haurrak, gazteak, helduak, familiak, hezitzaileak kontuan hartuko dituenak. Esaterako , ipuin kontaketak, irakurle taldeak, hitzaldiak, liburu aurkezpenak eta solasaldiak.

## Irakurle taldeen garrantzia

Ane Barandiarenen hitzetan, aurtengo egitarauan irakurle taldeek presentzia garrantzitsua izaten jarraituko dute. Izan ere, iazko haur eta familientzako irakurketa kluba aurten bi taldeetan banatu behar izan da eta, orotara, 26 familia inguruk parte hartzen dute bertan. Hilabeteen behin biltzen dira Udal liburutegian, irailean hasita eta maiatzera arte.

Horretaz gain, Beasaingo helduen ohiko irakurle taldeak ere aurrera jarraitzen du, Aintzane Usandizaga idazlearen gidaritzapean. Talde hau ere Udal liburutegian biltzen da hilabeteen behin, asteazken batean, urritik ekainera arte. Kasu honetan, interesa dutenek saio solteetan ere parte hartu ahal izango dute.

Irakurle taldeei dagokionez, beste bi irakurle talde aipatu nahi izan ditu Barandiaranek: alde batetik, Urbi berriko egoitza sozialeko taldea, iaz osatu eta oraindik martxan dirauena (bertako kideak euren instalazioetan biltzen dira ostegunetan), eta bestetik, ASMUBEko (Beasaingo Emakumeen Elkarte) irakurle talde feminista. Hau da, botere-harremanak eta genero-estereotipoak zalantzan jartzen dituzte eta parte-hartzaileek beren bizitzetako hainbat alderdiri buruzko hausnarketak egiten dituzte. Aurten talde honek dinamizatzaile berri

bat du: Sandra Agúndez eta ASMUBEko bulegoetan elkartzen dira.

### **Beasain idazle gazteen harrobi**

Horiez gain, Barandiaranek denboraren poderioz egonkortuta dauden bi egitasmoetan azpimarra egin du emaitza oparoa eman dutenak.

Alde batetik, idazle gazteentzako Igartza literatur beka-saria. Jakin, martxoaren 13an aurkeztuko dela 25. edizioko irabazlea izan zen liburua, Lizar Begoñaren “Mundu Zitalaren kontra” eta dagoeneko martxan dagoela 27. edizioa ere. Ekainaren 30a arte izango dute proiektuak aurkezteko aukera.

Eta bestetik, “Beasaingo idazlehiaketa”. 34 urtez, urtetik urtera Beasaingo eta Goierriko haur eta gaztetxoek parte hartzen duten idazlan lehiaketa. Bertan prosa, poesia eta bertsoak saritzen dira. Dagoeneko lanak entregatuta dituzte eta apirilaren 20an banatuko dira sariak.

### **Emozioen lanketa eta ekintza berriak**

Rebeka Piñeiro udal liburutegiko arduradunak aipatutako ohiko ekintza guzti hauetaz gain, aurtengo egitarauan sartu dituzten ekintza berriez aparte, iazko “Emozioen saltsa” lantegiaren jarraipena iragarri du. Saio hauetan, haur eta gazteek literatura bidelagun dutela, emozioen aferarekin topatzen dituzten zailtasunen inguruan hausnartzen dute. Iaz batez ere, hezitzaile, guraso eta irakasleek parte hartu zuten, baina edonori zuzendutako tailerra da. Bideratzailea Mireia Delgado Exposito da eta emaitzak onak izan zirela kontuan hartuta, beste bi saioa gehiago eskaintzea egoki ikusi da. Horietako bat apirilaren 30ean izango da, eta bestea maiatzaren 28an.

Bestalde, aurtengo egitarauan hiru ekintza berri azpimarratu ditu bibliotekako arduradunak:

Lehenengoa liburu trailer lehiaketa da. Martxoaren 8a abiapuntu gisa hartuta, feminismoa, tratu onak eta bizikidetza lantzen dituen bibliografia proposatu dute.

Liburu hauek lantzeko, bi kategoria aurreikusi dituzte; bat 12 urtetik gorako haurrei zuzenduta eta bestea 12 urtetik gorako gazteentzat. Banaka edo taldeka liburu bat aukeratu eta gehienez 3 minutuko iraupena duen bideo bat sortu beharko dute. Bideo horretan, testua, ahotsa, musika eta, oro har, irudimena erabili beharko dute. Bideoak Helbide elektroniko hau spam roboten kontra babestuta dago. JavaScript aktibatuta eduki behar duzu hau ikusteko. `document.getElementById('cloak08fba046d0b7a5cc94649ab5914ef057').innerHTML = ''; var prefix = 'ma'`

```
+ 'il' + 'to'; var path = 'hr' + 'ef' + '='; var  
addy08fba046d0b7a5cc94649ab5914ef057 = 'berdintasuna' + '@';  
addy08fba046d0b7a5cc94649ab5914ef057 =  
addy08fba046d0b7a5cc94649ab5914ef057 + 'beasain' + '.' + 'eus'; var  
addy_text08fba046d0b7a5cc94649ab5914ef057 = 'berdintasuna' + '@' +  
'beasain' + '.' + 'eus';document.getElementById('cloak08fba046d0b7a5cc  
94649ab5914ef057').innerHTML +=  
''+addy\_text08fba046d0b7a5cc94649ab5914ef057+''; posta elektronikora  
bidali beharko dituzte, apirilaren 17a baino lehen. Sari banaketa,  
apirilaren 23an izango da, Nazioarteko Liburuaren Egunaren bueltan eta  
bi kategoria daudenez, bi sari ere badaude:
```

12 urtetik beherako partaideen artean, irabazlearentzat edo irabazleentzat, Beasaingo saltoki txikietan gastatzeko 80 euroko balioa duen bonua emango zaie. Horretaz gain, aipamen berezia jasoko duen bigarren saria ere egongo da eta honi edo hauei Beasaingo saltoki txikietan gastatzeko 50 euroko balio duen bonua egokituko zaie.

12 urtetik gorakoen kasuan, berriz, lehenengo saria 100 euroko bonua litzateke, aurrekoek bezala, Beasaingo saltoki txikietan gastatzeko. Aldiz, aipamen berezia jasotzen dutenei 80 euroko bonua egokituko zaie. Haur eta gazteak, parte hartzera animatu dituzte.

Bigarren ekintza berria, “Azken galdera amari” ipuinaren aurkezpena da, Manex Beristainen eskutik. Liburu honen berezitasuna da heriotza eta dolua lantzen dituela. 9 urteko ume bat da ipuinaren protagonista eta sentiberatasun osoz bere amaren heriotzaren aurrean egindako prozesuaz mintzo da. Egilearen esperientzia pertsonalean oinarrituta dago. Euskal Herriko hainbat liburutegietan eta kultur etxeetan oso harrera ona izan du. Aurkezpena Udal liburutegian izango da eta kasu honetan, 5 urtetik gorako haurrei zuzenduta dago, beti ere heldu baten laguntzarekin.

Ekintza berrien artean ere “Gora Euskal Herrientsak” saiakera grafikoaren aurkezpena izango da, Igartzako jauregian, apirilaren 17an. Kasu honetan egilea, Asisko Urmeneta Otsoa, Beasainen izango da. Edonola ere, aipatu nahi dugu lan honetan Asiskok Dom Campistronek ilustratzailearen laguntza izan duela. Berak barruko mapa eta 1924ko manifestua ilustratu ditu.

Liburu honek kulturaren transmisioan aitzindariak izan ziren 5 errientsaz edo eskola maistrak mintzo da. Era berean, Emakume Abertzale Batza, Begiraleak eta Euskal Eskolak gauzatu zituzten maistra kontziente eta herrizaleen lana aldarrikatzen du.

Komikiaz baliatuz, Asiskok Euskal Herriaren memoria historikoa berreskuratzeko dokumentazio lan bikaina egin du. Hartara, ez da

harritzekoa arrazoi hauengatik eta gehiago Central Comics (Portugalgo komiki atal digitalak) bere lana saritu izana.

## Ekitaldi guztiak euskaraz eta doan

Amaitzeko, Mariola Pascualek gogoratu du ekintza guztiak doakoak eta euskaraz izango direla eta hauetako batzuetan parte hartzeko, aldez aurretik liburutegian izena eman beharko dela. Eskerrak emanez, jende guztia ekitaldietan parte hartzera animatu ditu.



```
jQuery("#share825") . jsSocials({shareIn: "popup",shares: [{ share:
"twitter", label: "Tweet", via: "", hashtags: "", text: "Euskal
kultura eta euskaraz irakurtzeko ohitura hedatzeko asmoz aurkeztu da
irakurzaletasun kanpaina", url: "https://www.beasain.eus/kultura-albis
teak/5714-euskal-kultura-eta-euskaraz-irakurtzeko-ohitura-hedatzeko-
asmoz-aurkeztu-da-irakurzaletasun-kanpaina"},{ share: "facebook",
label: "Partekatu", url: "https://www.beasain.eus/kultura-albisteak/57
14-euskal-kultura-eta-euskaraz-irakurtzeko-ohitura-hedatzeko-asmoz-
aurkeztu-da-irakurzaletasun-kanpaina"},{ share: "linkedin", label:
"Partekatu", url: "https://www.beasain.eus/kultura-albisteak/5714-eusk
al-kultura-eta-euskaraz-irakurtzeko-ohitura-hedatzeko-asmoz-aurkeztu-
da-irakurzaletasun-kanpaina"},{ share: "whatsapp", label: "WhatsApp",
shareIn: "self", text: "Euskal kultura eta euskaraz irakurtzeko
ohitura hedatzeko asmoz aurkeztu da irakurzaletasun kanpaina", url: "h
ttps://www.beasain.eus/kultura-albisteak/5714-euskal-kultura-eta-euska
raz-irakurtzeko-ohitura-hedatzeko-asmoz-aurkeztu-da-irakurzaletasun-
kanpaina"},{ share: "email", label: "E-mail", shareIn: "self", text:
"Euskal kultura eta euskaraz irakurtzeko ohitura hedatzeko asmoz
aurkeztu da irakurzaletasun kanpaina", url: "https://www.beasain.eus/k
ultura-albisteak/5714-euskal-kultura-eta-euskaraz-irakurtzeko-ohitura-
hedatzeko-asmoz-aurkeztu-da-irakurzaletasun-kanpaina"},{ share:
"telegram", label: "Telegram", shareIn: "self", text: "Euskal kultura
eta euskaraz irakurtzeko ohitura hedatzeko asmoz aurkeztu da
irakurzaletasun kanpaina", url: "https://www.beasain.eus/kultura-albis
teak/5714-euskal-kultura-eta-euskaraz-irakurtzeko-ohitura-hedatzeko-
asmoz-aurkeztu-da-irakurzaletasun-kanpaina"}],});
```